

勉齋先生黃文肅公文集

二

勉齋先生黃文肅公文集卷第一



詩

答曾伯玉借長編二首

白露下百草迅商薄脩林幽人起長懷感此節
物深攬衣自徘徊撫劍還悲吟丈夫各有志莫
作兒曹心涉遠當疾趨畏景漬就陰願言理輕
車去上南山岑

祥麟踣魯郊孔袂何漣漣傷哉經濟心付與文
字傳馬公述孔志托意爲編年是非一以判纖
悉不復捐聞君卧丘壑繭手磨丹鉛願言得其
解努力希聖賢

詩一

紹熙庚戌十月借趙仲宗舜和潘謙之曾
魯仲遊九峯芙蓉壽山紀行十首

九日早發桃枝嶺

登山豈不樂屬此風露清排簷夜雨滴詰旦天
空明歡然金石交要我林泉盟支筇赴漫汗勇
往不計程一水何縈紆千峯鬱崢嶸仰視流雲
馳俯聽幽壑鳴班荆得所適斗酒聊共傾人生
會有累聚散如浮萍今辰諧勝遊異日難忘情
意愜各賦詩庶以紀此行

道間觀瀑布

行行益以遠，愜此心期幽。一徑險復夷，千林密
相樛。回首天際山，矗面懸飛流。銀潢倚石壁，玉
龍下山湫。光搖日璀璨，勢激風颼颼。可望不可
親，神往形獨留。眷言挑枝山，久矣卜築謀。豈無
一日閑，努力窮冥搜。

夜宿九峯寺

瞑逐歸雲入，遠山九山環。立似人間摩娑石，刻
元和體。矍鑠僧譚宣，政間往古來。今渾昨夢隻
雞斗，酒強開顏。明朝酌取龍湫水，直上層霄不

詩一

二

復還

十日值雨

催粥華鯨徹，翠微覺來屋瓦白。差差初疑淡月
霜，天曉忽失前山雲。幙垂田父腰，鎌禾欲耳行
人策杖足如錐。老僧莫笑芒鞋苦，破釜生塵儂
更悲。

早觀龍湫

夜宿羣峯裏，朝遊大石湫。寒潭飛薄霧，疊障瀉
洪流。側徑蒼苔滑，叢祠古木幽。神龍好高卧，雲
雨不勝愁。

宿芙蓉寺

萬疊雲山踏雨來白雲依舊冒山隈
尊壘聲盡客懷惡衣履沾濡僧意猜
默坐香爐煙起伏喜聞靈洞石崔嵬
五更清磬丁東響參斗橫空天四開

十一日早登靈洞巖

寒巖突兀山之阿足履危磴攀藤蘿
巖下清泉響環珮巖前古木交枝柯
當中洞門忽開豁上有石屋高差峩
乾坤開闢已呈露鬼神守護頻揮呵
重門黯淡不可入以火來照所見多出門

詩一

三

小洞亦竒絕神龍奮怒吞蛟鼉勝景如此難重
過手倚石壁頻摩挲安得雄思如懸河長吟大
詠仍高歌

過翠微

古寺殘僧少孤村碧樹圍明朝山下路愁絕望
煙歸

十二日復歸桃枝嶺

大溪章溪溪水清上寮下寮山路平三山屹立
相掎角百里連亘如長城仰干雲霄不盈尺俯
視天高浮寸碧閑雲吞吐溢澗谷飛泉噴灑下

石壁中有一山名芙蓉端冕正色羣山空望之
可敬不可慢僧言直與衡嶽同坡陀突兀作雲
洞虎豹蹲踞棲鸞鳳聞道前朝開闢日曾住浮
屠幾千衆我來已作五日行皇天一雨復一晴
宵林杳靄非人世手接羣仙朝玉京曉來更向
山前去忽到山翁棲隱處却憶桃源洞裏人日
出煙銷忘舊路

壽山

石爲丈多招斧鑿寺因野燒轉熒煌世間榮辱
不足較日暮天寒山路長

三十九

詩一

四

凡今之人莫如兄弟詩并序

昔我伯氏披斬蓬藿以筮宅於箕山之
陰有隱君子焉曾其姓者遇諸塗塗班荆
而語相樂也謁其居有迎門而肅者客
入長者坐而少者侍少者請而長者諾
相敬如父子相歡如友朋問之曰吾兄
弟也見其二子焉則在齟齬間而已能
差肩握手如成人矣伯氏歸以語諸弟
相率而往見之余家距箕山幾一舍歲
月之往必館於曾舍如歸焉視其兄弟

之愛猶一日也二十年間伯氏蚤世而二公者亦相繼以歿獨其二子旣冠且娶刻意問學而樂與吾兄弟者遊察其相愛之情猶二父也余甚愧其爲人樂與朋友道之夫人倫之愛亦大矣固人心之所不能已者而余於曾氏父子獨有感焉今夫富室衣暖而食飽不私其有而與天屬均焉宜若無難者而世之爭錢財相鬪鬪者往往皆富室自余造曾氏之門而四壁蕭然有人所不能堪

詩

五

者而再世相處皆能樂其愛而忘其貧其亦可道也夫其得無所愧也夫紹熙庚戌之冬余與友人趙仲宗趙舜和潘謙之遊九峯芙蓉觀龍湫靈洞過壽山翠微以歸曾氏之季子曾仲偕行過其家飲酒樂甚相與賦常棣之詩而撥其凡今之人莫如兄弟字爲一詩以嘉其事曾仲復屬余序之因書本末如此以自警云

物理須深玩人心定不凡棣華春競秀鴻影暮

相銜天性人爲貴同胞豈異心疾行迷後長思
昔更傷今憶昔提孩日庭前聚戲嬉利心驅逸
馬分背欲何之富貴眞餘事兒孫亦後身四支
先自賊駢拇若爲人矢束折應難葉密根無託
斯道固昭然嘆息人何莫儒衣而儒冠滿口談
詩書君看闔牆心異類誠不如我行箕山顛上
有賢弟兄高節振頽俗餘芳丐後生二父及諸
郎異世眞一體賦詩豈遺君自以警不第

游鼓山登大頂峯辛亥夏

登山如學道可進不可已懸崖更千仞壯志須

詩

六

萬里平生石鼓懷獨酌靈源水峩峩大頂峯欲
往輒中止今朝復何朝擊楫渡清泚好風從西
來縹渺吹游子褰裳涉危巔萬象皆俯視東南
際大海日月旋磨蟻煙雲隔洲渚歷歷猶可指
城中十萬家囂雜不到耳郊源與廛市瑣碎如
聚米同來皆良儔得酒共歡喜深林更叫嘯磐
石恣徙倚摩娑陳公碑歲月爲我紀更持末後
句歸以銘吾几

陳烈先生登此山紀歲月於石上其略云鼓山巔峯特歲辛

亥帝司赤

雙髻峯

萬山環立兩山高伯仲壘麓風味多軒冕直能
驚俗子采薇千古不消磨

侍文公飲浮翠用劉叔通韻

涼風振幽壑陰雲翳前山高懷勵清秋適意林
莽間煙橫萬家井水淨霞溪灣徙倚暮忘歸人
境相與閑遊子獨何為千里方言還陪此杖屨
遊忘彼道路艱心期更他年依巖結柴關

讀史記荆卿傳

說與男兒莫愛身簞瓢陋巷不為貧古來豪士
君知否拚得頭顱斫與人

詩

七

食竹飜

北山何嗟我猛虎之所藏咆哮一震怒百獸不
敢當有竹山之阿挺挺青琳琅威鳳鳴且棲衆
鳥空回皇彼颯獨何為莫夜爭跳踉鑽山窟穴
深嚙竹根本傷鼠腹漲彭亨鷓怒獨奮張誰知
樵蘇輩嘆彼枝葉黃鋤耨擣其室束縛登我堂
遂令婉孌者汚此牙頰剛才質既不同分守合
有常曷不效爾曹竊食仍循墻直節示蕭森庇
此千仞岡

讒人

監謗兆周蹙偶語擠秦云古風下刺上國步安
且強靖康發深痛熙豐餘殃惜哉天子明未
免讒者傷讒者亦何爲君子名愈彰

生平

生平因寡合歲晚交更少非干世俗薄自是志
量小

拜文公先生墓下

暝投大林谷晨登翠如亭高墳鬱嵯峩百拜雙
淚零白楊自蕭蕭宿草何青青悲風振林薄猿
鳥爲悲鳴音容以寂寞欲語誰爲聽空使千載

詩

八

後儒生抱遺經

答劉正之見招四絕

求田問舍兩參差木壞山頽萬古悲多謝劉郎
能館我短檠踈雨聽清規

昔年從學屏山下炯炯胡劉風味長滿目青山
非故國人生熟處尚難忘

君因躑躅直招時論我以踈愚厭俗紛萬事不湏
閑着眼蒼山白醅對西曛

石馬臺邊森古木晝寒亭下鎖晴煙紫陽不作
遠菴死一醉從君話昔年

讀史戲呈劉正之

君不見漢初曹相國日飲醇酒不事事相舍後
園近吏舍黠吏醉呼不肯避相國取酒飲後園
恨不呼吏與共醉又不見後來丙丞相馭吏不
畏丞相嗔嗜酒酒翻車上茵醉飽去爾何容身
兩公一心知有漢一夫見辱非吾患但得時平
酒價賤從渠醉後來相慢李斯逐客徒自尊東
門黃犬還可嘆西曹地近不足責不過能污車
上茵人言兩公固寬平我謂兩吏非庸生臣生
無益兩丞相故辱丞相成其名至今漢家四百
載曹獨爲冠丙有聲劉侯劉侯汝太癡世間曹
丙能幾箇但知憤世快我意醉語誰知官小大
却來東屯起田舍日與田翁相唱和人道劉侯
只是一醉人誰知胷中自有渭與涇一雙怪眼
如老鷹每於醉後白復青劉侯藏鋒斂鐔莫妄
用君家自是提兵冠豸種

和魏元明四月菊

鶉鴉纔鳴歇衆芳忽看佳菊變秋光江頭雨漲
梅同熟隴上風清麥共黃莫待重陽拚一醉不
愁長夏自微涼籬根休遣兒曹見又說梨花捧

壽觴

和劉實之喜雨

忽忽久不樂中腸若焦焚非無一樽酒高堂細
論文塵俗了不知學殖聊自耘念此農事畢膏
雨猶未均東郊與西疇禱旱胡紛紛長年四月
時蝸舍嗟梅蒸旱魃逞威虐烏麗朱明風伯
真可訟田祖非無神曷不駕飛龍一息萬里奔
兀坐正長吁仰瞻白雲屯須臾梧桐上策策琅
玕聲清溪一綫流瀕洞如盆傾只此一日澤便
想百室盈呼童索濁醪爲我驅愁襟珠玉忽滿
前語句何清新此意久不傳舉坐爲君興雞蟲
無了時江閣聊自憑切恐讀君詩愁殺閉糴人
再和實之喜雨呈正之

苦海渺無涯火宅常自焚青衫不療飢白首非
工文勉策疲驚姿舍己爲人耘造物真小兒苦
樂胡不均大如四月時梅雨成炎蒸安得玉燭
調一晦復一明中夜忽自悞感慨若有神有名
汝不趨有利汝不奔獨與迂闊友卜隣向東屯
燕坐想羲皇浩歌發商聲床頭有濁醪嘯詠聊
自傾又如苦旱中一雨澗壑盈

草木回春姿萬象皆更新君今東屯
成拙寢復幾興我亦側西澗草閣時共憑長想
千載上依依耦耕人

和劉實之寄生日

朝來謾與兒曹語欲看羣峯插天宇携筇直上
君子堂出門復向東屯去東屯田舍翁邂逅成
賓主謂予始生朝杯盤若碁布湏臾剥啄者爲
誰珠玉懷中來舉似滿堂賓客且停杯看我蓮
桃羅十數感君厚意興轉逸百斛瓊漿當鯨吸
造物亦何意萬品齊結實休論脩與短大是空
中色但願雙橋茅屋成欵段從君豈終極

詩

二

劉正之宜樓四章并序

劉正之創新居以宜名其燕處之樓謂
其春秋冬夏無不宜也同志之士旣已
共賦之矣予因採詩之四宜以廣其意
焉一章言宜其室家也二章言宜爾兄
弟也三章言宜爾子孫也四章言壑無
不宜也讀之者亦足以見予與正之道
義相與之意云

春風滿庭除琴瑟亦靜好甕中有歡伯相祝以

借老

屏山重回首日暮起長思鴻鴈來翩翩共賦常
棣詩

君家兩窠馨翠竹樓鸞鳳莞簟燕新居孔釋復
抱送

山以靜故高水以靜故深福祿豈外求萬感皆
人心

與胡西園伯履

白露下百草玄雲翳崇岡遊子莫何之倏若孤
鴈翔朝發長沙渚夕息湘山陽飛鳴念儔侶慄

詩

三

慨增悲傷故人懷我深遠寄金玉章開緘且疾
讀慰此飢渴腸是時焯中火朔風掃枯黃歲月
能幾何皋蘭結微霜靜觀天地間至理何昭彰
乾行固不息坤應還無彊兩曜若循環皦皦臨
四方人道政如斯願勉其常脂車策良馬日
暮道正長徒僕審驅馳前途畏榛荒劣質苦難
任白雲懷故鄉南山一舍隔動若參與商大舶
漾中流矯首空西望昆弟真可人行樂毋相忘

嘉興道間二首

平生事幽貞足跡不出門歲晚迫飢寒暫聽媒

灼言

征途不寐輒終夕故里無書今幾時離別因知
雙鬢改飢寒解使寸心悲

謁陸宣公祠于嘉興府學門外二首

年來風俗軟如綿再拜公祠氣凜然莫是平生
太忠鯁只今猶斥學宮前

徘徊無處謁精廬義膽忠肝一卷書昏主亂時
公尚爾清朝平世合何如

石門

吳越天下富京畿游俠鄉隴畝盡膏腴第宅皆

詩

十三

侯王世言蘇湖熟露丐及四方自我來石門觸
目何淒涼清晨開務門有酒誰復嘗纍纍挈妻
子汲汲求糟糠父老稱近年十載嘗九荒聚落
成丘墟少壯爭逃亡

訪高僉判所居

遠樹分高下平洲半有無短亭低密竹小艇隱
寒蘆轉浪魚深入斜陽鷓鴣亂呼自慙貴公子未
老賦歸歟

甲子語溪閔雨四首

檣頭五兩搖空飛船頭百丈牽何遲數篙塘水

清可涉故鄉千里歸何時
塘中龍骨高數層龜拆田中縱復橫青裙箬笠
倚車卧但有空車無水聲
牛女盈盈河漢傍清風肅肅吹羅裳朱門達旦
聽歌曲莫遣濃陰蔽夜涼
老夫年來百不悲夜聽羣兒聲吾伊呼兒握手
長太息不見儂家數口飢

喜雨用前韻

莫愁塵土厭天飛六月栽田未是遲待得麥麻
收拾後通宵好雨定知時

詩

十四

雲霓天外起層層畢月相隨徹夜橫費得天公
能幾力數州愁苦變歌聲

睡覺歌聲古道傍有人中夜攬衣裳床頭斗酒
聊自酌不為書牕一夜涼

山中書生休浪悲變調自有臯與伊清香一瓣
來天竺更把民飢作已飢

予前兩夜月次昂宿
日當離畢則
雨後果然

又用前韻謝葉宰并序

効官語溪與金華鄭君聯事相好也葉
明府鄭出予未及識之適有以予閱雨

四詩呈似者不鄙而和之輒以爲謝且致予懷舊之意云

誰推雙轂遶天飛短髮蕭疎蚤是遲賜斷金錢
門外月曉天秋露稻花時
余嘗侍東萊先生出金錢門觀稻花甚樂

明招古木葉千層山自浮雲溪自橫春老鶯藏
無覓處遺編燈火屢吞聲
明招東萊先生所葬之地

歲晚投身糟甕傍旋除野服看公裳折腰可愧
更無米贏得虛堂一味涼

世事年來最可悲開口不得洛與伊兩君論交
太左計芋栗不足充人飢

詩

十五

噫嘻示兒

噫嘻吾退不能爲高蹈之靖節吾進不能爲玩
世之東方腰折亦無米五斗餓死安得粟一囊
徒令汝曹困齏鹽對我向日青且黃冬寒輕裘
不朝御朝飢軟飯不得嘗大兒知書固自忍小
兒叫怒來牽裳老夫對此忽自悟呼兒並集來
我傍人生窮通固有命丈夫志氣當自強

送宋知府歸閩州

丈夫不遇歸西州天遣旱魃爲王留誰知冥鴻
向蓬華一使深蠲膠淺流載書萬卷足自樂端

坐十日吾何憂使君高懷不可挽飛廉驅雨扶
君舟君今揆施清江頭江漢袞袞來爲浮張帆
掛席日千里巨魚豈戀尋常溝

浙江舟行遇風

扁舟沂浙江日暖天氣清

宵濤寂

無聲篙工掛席帆涉險如履平不謂時適然自
詫伎已精中流捨維楫醉卧日月橫煙雲忽異
色亭午風浪生兩涯忽黯淡一葉隨欹傾津人
巧不施反念西佛名同舟已自訣立葬東海鯨
雨聲忽自霽霧暗忽復明舉酒迭相賀驕氣又
已盈同舟幸身安氣塞莫敢爭誰知翻覆手頃
刻分陰晴旣乏共濟力拂衣起徒行

和江西王倉中秋賞月韻

明晦從渠造物慳好天佳月靜時看一輪天外
長明徹萬象宵中自屈盤星逐使來隨處見霜
侵臺迥逼人寒休觀玉兔頻頻擣活國須公九
轉丹

勉都幹權君并序

都幹權君明醫相之術相與浮江淮握
手逾月言論豪放世罕識之者亦隱於

技耳賦詩以勉之

長安城中豪俊林錦韉玉勒馳駸駸入門朱粉
誇妙麗出門青紫爭浮沉東家問醫西問相君
獨燕坐鈎其深冰眸一睨窮達判刀劑不許寒
暑侵長安城外天陰陰行人駐馬爲悲吟高墳
崔嵬葬白骨安得不死腰黃金世間萬事何足
恃禍福倚伏常相尋渠儂自愚君自巧誰肯一
笑忘華簪蜀人賣卜嚴君平垂簾閉肆窮古今
逢人但說忠與孝自有達者能知音察形察色
君所解直須洞燭賢愚心屈伸壽夭亦命爾公

詩

十七

平正直神所欽

送章元德司理罷官歸永嘉

送君北門阪遙望東甌路峨峨白鶴嶺渺渺飛
鸞渡上有虎豹嗥下有蛟龍怒車馬堅且良維
檝夙已具褰裳涉其險萬怪不足懼世路劇羊
腸皦皦誠易汙但能心無愧窮達安所遇毋爲
婉孌者暫蹶輒驚顧生平麋鹿姿處世嘆多忤
胡爲展良覲握手便如故高懷發鍼石正論諧
韶濩情親復告別欲語誰與晤乾坤一逆旅日
月雙脫兔寒儒守蓬葦白首困章句期君以遠

大庶足慰遲暮

謝潘謙之二首

生平不作溫飽計歲晚寧愁衣褐無一夜嬌兒
啼徹曉始知寒色已侵膚

紆袍戀戀故人情寒谷瀟瀟春意生寂寞窮儒
應易足床頭鼻息便雷鳴

慶元己未冬至前二日訪林公度至栗山
翌日同訪吳必大林季亨容之偕行愛其
溪山池亭之勝爲之賦詩

篝火下脩嶺褰衣涉清川夜投故人廬洞壑藏

詩

一八

真仙一水遠縈紆兩山對蜿蜒但見煙雲深不
識車馬喧主人敬客至杯酒羅堂前諸孫競勸
酬烹羊雜雞鮮同來二三友妙語爭春妍此會
良獨難達旦不復眠雞鳴秉燭遊到君新池邊
中有讀書堂藏書足精研把筆紀姓名徘徊悵
無緣天明驅車去去上層岡巔回首三嘆息安
得數畝田結茅與君鄰嘯傲終殘年

會南禪遊鄒氏園和知丞韻并序

長至後三日約同官會南禪登浮屠遊
鄒氏園以歸知丞以佳篇見屬因和其

韻併簡同遊諸丈

杯酒聯翩臭味同橫枝踈影費天工千林落木
人煙絕獨倚斜陽對晚風

寄鄭維忠葉雲叟諸友 并序

諸友九日上遊巖老病不能相陪小詩
寄鄭維忠葉雲叟諸友

村村蕭鼓競龍舟更菊巖前倚晚秋老懶焚香
書一卷歌梅踈竹月侵樓

宿廬阜歸宗題正覺禪師

稽首歸宗正覺師長淮千里鬢如絲早知具眼
番成闇不作人間了事癡

挽詩

挽雲門鄭君

結友雲門日曾聞谷口翁松肥三徑雨鱸熟一
絲風行業鄉閭敬詩書子姓同論心獨餘恨秋
草對碑豐

挽潘孺人二首

聞說初年失偶時回看囊篋鬢成絲誰知舊室
如新室解撫前兒似後兒南澗萍生方得助河
陽花落不勝悲高樓百尺今休上望着佳城空

淚垂

紅雲照水春將暮皓月盈盈院落深正是佳人
行樂地翻令公子獨傷心床頭琴瑟空長在眼
底音容無處尋寒食紙錢飛滿野一聲薤露涕
霑襟

挽新市張監酒三首

曲江人已矣風采獨依然薄宦何曾顯英名是
處傳諸公交薦士造物竟遺賢窮達君應悟怡
神向九泉

捧檄來新市逢人說舊官臘殘千棧熟春到萬
家歡不見文移急惟聞酒禁寬摩挲石梁柱俛
仰歎才難

淡泊心無累行藏惠及人詩書長孫子雍睦化
比鄰我亦塵中客來司甕底春從公得遺範惆
悵重書紳

代王惟謹挽李察院二首

關洛蕭條南渡日龜山往事屬龍津過庭詩禮
傳宗旨蓋世功名付後人風憲隻身中與外清
忠壯節晚如新崇蘭香馥玉剛折定與天皇作
侍臣

牛角短哥頭半白龍門峻級眼常青一官多是
春風力千里俄驚秋淚零坐想德容今寂寞夢
回耳語尚丁寧夜臺雖閉公長在有子能存舊
典刑

代曾魯仲挽蔣同叔母二首

釜竈朝晡百險艱厄匪滄瀆悅慈顏欲知婦順
妻賢處盡在姑啼夫哭間庭下芝蘭方擢秀堂
前松檜未應慳空餘馬鬣崔嵬在及見春風衣
錦還

不樂何蕃歲一歸歐陽越客飽京師

注見韓文

腰間

詩

十一

未許印如斗堂上還驚鬢已絲男子但知三釜
計人生合是百年期他時此恨憑誰說見着魚
軒心轉悲

代季亨二首

粉榆接影一牛鳴淑德相傳到後生三世隻身
長婉婉兩兒雙淚遞縱橫蘋蘩春澗情何切機
杼秋堂眼倍明細讀古今賢婦傳誰家駮女亦
書名

慇懃慈母手中線縫作行人身上衣待換青衫
朝日去誰知白帽帶星歸別時早覺終天訣底

事能堪跬步違一路顯親湏努力九原荒草恨
依依

代良夫二首

蚤歲爲儒讀國風夫人高節有誰同至今桑梓
傳家法便說蘋蘩力婦功閨內衾裯長自苦堂
前滄澗得能豐欲知淑德碑何在只聽鄉人歎
息中

聞道夫人遣子時丁寧捧檄是歸期青衫到手
非難事白髮驚心祗自悲長髮忍聽高里句短
檠休唱蓼莪詩九原精爽應長在列戟松楸莫

詩

十一

恨遲

挽李尚書母太淑人

少壯聞忠孝生平閱險夷篆煙長寂寞騶從任
驅馳塵俗渾無染湖山每自怡儒冠慚佛學烈
婦勝男兒

紫橐光先烈青衫拾世科家聲今益振母訓昔
應多方聽焚舟誓俄聞鼓缶歌定非孫與祖一
戰一言和

扮社傳家範堦庭著義方能令鏘劍履爭欲倚
門墻么麼真無用提撕獨異常登堂今已矣技

淚轉淋浪



詩一

七三



